

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
OPĆINA SANSKI MOST
OPĆINSKI NAČELNIK

Broj:04-11-823/23

Datum: 13.03.2023. godine

Na osnovu člana 64. stav (1) tačka b) najniža cijena, člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14, 59/22), na Preporuku Komisije za javnu nabavku broj: 04-11-823/23 od 10.03.2023. godine, u postupku javne nabavke -Nabavka i sukcesivna isporuka goriva za vozila (benzin i dizel), Općinski načelnik donosi:

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za javne nabavke, broj: 04-11-823/23 od 10.03.2023. godine da se ugovor za javnu nabavku: **Nabavka i sukcesivna isporuka goriva za vozila (benzin i dizel)**, dodijeli ponuđaču **“Hifa-Petrol” d.o.o. Sarajevo**, ponuda broj: JN-590/23 od 13.02.2023. godine, za ponuđenu cijenu od 33.647,00 KM bez PDV-a (ukupna cijena sa PDV-om iznosi 39.366,99 KM), kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču **“Hifa-Petrol” d.o.o. Sarajevo**, po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje Služba za imovinsko-pravne, geodetske poslove i katastar nekretnina.

Član 4.

Ova odluka objavit će se na web-stranici www.sanskimost.gov.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Rješenjem o pokretanju postupka javne nabavke broj: 04-11-823/23 od 10.03.2023. godine.

Javna nabavka je provedena putem konkurentskog zahtjeva za dostavljanje ponuda.

Procijenjena vrijednost javne nabavke je 42.735,00 KM.

Obavijest o nabavci broj: 305-7-1-4-3-11/23 poslana je na objavu dana 13.02.2023. godine, a objavljena je na Portalu javnih nabavki dana 13.02.2023. godine.

Komisija za javnu nabavku, imenovana Rješenjem broj:04-11-823/23 od 13.02.2023 godine,

dostavila je dana 13.03.2023. godine Zapisnik o ocjeni ponuda i Preporuku o izboru najpovoljnijeg ponuđača broj: 04-11-823/23 od 10.03.2023. godine, u postupku javne nabavke: Nabavka i sukcesivna isporuka goriva za vozila (benzin i dizel).

U postupku po izvješću o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dva).
- da je blagovremeno zaprimljeno 2 (dvije) ponude.
- da je ponuda ponuđača „Hifa-Petrol” d.o.o. Sarajevo prihvatljiva.

Naziv / ime ponuđača	Ponuđena cijena (bez PDV-a)
1 “Hifa-Petrol” d.o.o. Sarajevo	33.647,00

Neprihvatljiva ponuda i nedostaci u istoj, kako slijedi;

1. Ponuda ponuđača “Euro-Jet” d.o.o. Cazin ima nedostatke u smislu propisanog u tački 4.3. i 4.6. tenderske dokumentacije i to:

- tačkom 4.3. se propisuje na koji način se ponuda izrađuje i između ostalog se navodi da “ Sve strane ponude moraju biti numerisane na način da je vidljiv redni broj stranice”.

Ponuđač je u ponudi numerisao listove s tim da je numeraciju krenuo od trećeg lista ponude. Tačkom 4.3. tenderske dokumentacije se traži da sve strane ponude moraju biti numerisane na način da je vidljiv redni broj stranice.

- tačkom 4.6. tenderske dokumentacije je propisano da su:

“Obrazac za dostavljanje ponuda (Prilog 1), Obrazac za cijenu ponude-robe (Prilog 2), Specifikacija robe (Prilog 3.), Nacrt ugovora (Prilog 4) i Izjava ponuđača iz člana 52. Zakona (Prilog 5), su sastavni dio ponude i ponuđač ih treba popuniti i dostaviti uz ponudu.”

Ponuđač je dostavio Specifikaciju robe (Prilog 3.) ali istu nije popunio kako je traženo tačkom 4.6. tenderske dokumentacije.

- Zatim Obrazac za cijenu cijenu ponude-robe (Prilog 2) nije ispravno popunjen jer je ponuđač naveo da je :

Ukupna cijena bez PDV-a =33.138,00

Popust = 0,00

Ukupna cijena sa popustom bez PDV-a =38.138,00

Ponuđač je po prijemu Zapisnika sa otvaranja ponuda putem e-maila tražio od ugovornog organa da u Obrazcu za cijenu ponude izvrši korekciju cijene, s obzirom da je omaškom (kucanjem došlo do greške sa njihove strane) na način da ukupna cijena sa popustom bez PDV-a iznosi 33.138,00 a ne 38.138,00 KM.

Treba naglasiti da tek prilikom analize ponuda Komisija za javne nabavke, za ponude koje su prihvatljive, provjerava računsku ispravnost ponude i za eventualnu računsku grešku traži saglasnost od ponuđača. U ovome slučaju Komisija za javne nabavke nije provjeravala računsku ispravnost ponude iz razloga što je ponuda ponuđača “Euro-Jet” d.o.o. Cazin neprihvatljiva.

E-aukcija nije zakazana iz razloga što je samo jedna ponuda prihvatljiva.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije.

U postupku ocjene provedenog postupka, Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog najniže cijene ponude.

Naziv / ime ponuđača	Ponuđena cijena (bez PDV-a)
1 "Hifa-Petrol" d.o.o. Sarajevo	33.647,00

Izabrani ponuđač "Hifa-Petrol" d.o.o. Sarajevo, ponuda br. JN-590/23 od 13.02.2023. godine, izabran je primjenjujući kriterij najniže cijene, koja je ponuđena u iznosu od 33.647,00 KM bez PDV-a (ukupna cijena sa PDV-om iznosi 39.366,99 KM).

Iz navedenih razloga, primjenom člana 64. stava (1) tačka b), najniža cijena, Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi BiH, Filijala Mostar, putem Ugovornog organa, najkasnije u roku od 5 (pet) dana od dana prijema ove odluke.

Dostaviti:

1."Hifa-Petrol" d.o.o. Sarajevo
Hotonj bb., 71320 Vogošća

2."Euro-Jet" d.o.o. Cazin
Ćoralići bb., 77226 Cazin

3. u dosije

4.a/a



OPĆINSKI NAČELNIK

Faris Hasanbegović, prof.